



UKA 2018/204

Ulloq 09.10.18

Mimi Karlsen

**Uunga siunnersuut: Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq**

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Inuit Ataqatigiit Naalakkersuisut qutsavigiumavaat Inatsisartut inatsisissaattut siunnersuut saqqummiommassuk, eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsinissamut atatillugu.

Nunani eqqissimatitani eriagisariaqartut tassaapput inuiattut oqaluttuarissaanitsinnut tunngagamik erligineqartut. Erligineqartut kinguaatsinnut paasissutissatut inissisimassammata aserfallallugillu eriagisariaqartarpagut, aserfallappatalu aamma aserfallaatsaalisariaqartarlugit. Ajorinngilarput alajangersagaq ilutigisaanik aamma ataatsimut isigisumik nunatsinni kulturikkut kingornussat illersorneqarnerannik sakkortunerulersitsippat, tamatumani aamma siunissami UNESCO-mi nunarsuarmit kingornussaasa allattorsimaffiannut ilanngussassanik qinnuteqartarnissanut atatillugu.

Siunnersuummuttaaq aamma tunuliaqutaavoq isumaliutaammat Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaata nutarterneqarnissaa ajorinngilarput.

Illunittaaq eqqissimatitaasunik aserfallatsaaliisarnermut aalajangersakkat erseqqissaavigineqarnerat iluaraarput. Aammattaaq sanaartukkat anginngikkaluit, soorlu killuut, tupeqarfiit, ungooriviit aamma aserfallattaalinissaat pingaartipparput, apeqqutigiumallugulu inatsimmi uani taakku ilaanersut.

Taamatut oqaaseqarluta siunnersuut akueraarput.